



Dandtgräuisch

Aufschreiben der fürhaben
den Gewerb vnd Rüstung.

Oopei eyner angezogen Bündt

nus/so durch Königliche Maiestat zu Hun/
gern vnd Böhemen/vnd etlich Chür/
fürsten vnd Fürsten auff/
gerichte sein sol.

Meyntzisch warhafftigen schul

digung der angezeygten Bündt nus.

Anno M. D. XXviij.



Faint, illegible text, possibly bleed-through from the reverse side of the page. The text is arranged in several lines and appears to be a formal document or record.



On Gotts gnaden wir

Philips Landgrau zu Hessen/ Graue zu Cantzenelnboge/ zu Dietz/ zu Ziegenhain/ vnd zu Tüdda. Allen vnd yeden/ hohen/ mittel/ vñ nidern Stenden/ so dise vnser verantwortung vñ

auffschreiben fürkompt/ Erbieten wir vns/ eygē eynes yeden gebürnis vnserer dienstbarkeyt/ vnd alles Christlichen freündliche gūten willens. Vnd fügen hiemit meniglich zu wissen. Nach dem vns vnserer/ vnd auch vnserer Herrn vnd freünd bewerbung vñ rüstung halben/ nit eyn kleyner vnglumpff vō vnsern mißgünnern vnd widerwertigen auff nachuolgende Artickel/ zum ärgsten/ vnd ganz nachteyliger weis außgebreyt wirt.

Vor erst/ als solten wir des fürhabens sein/ vns für Franckfort zulegern/ vñ vnderstehn Römischer König zu werden.

Item/ das wir vns Key. Mai. vnsern allergnedigsten Herrn zu mißfallen vnd vngelohsam / in des Königs von Franckreichs dienst begeben haben solten.

Item/ das wir des willens vñ fürhabens sein solten/ den gemeinē man auffrührisch zu machen. Vnd den Hochgebornen Fürsten Herrn Ulrichen/ Hertzogen zu Wirtenbergk/ vnsern lieben vettern widerumb einzusetzen.

Solchen erdichten schwaren vnglumpff abzulenen/ wil vnser hohe noturfft erfordern/ die sach vnser billichen bewerbung/ vnd rüstung an tag zu thun.

Vnd bieten hierauff menigliche zu wissen/ das vns solcher vnwarhafftige zulegung halber/ ganz vngütlich beschicht/ vñ vñ werden im selbigen schendlich angelogen / Danñ wir des willens oder gemüts nie gewesen/ wissen vns auch des selbst zu berichtē

das vns solch oder der gleichen fürnemmen / Keyns sügen
wöl. Vnd seindt auch des freien gewissen / das wir ye
vnd alweg Key. Mai. vnserm aller gnedigsten Herrn
zū allen gebörliehen gehorsam gelebt / Desgleichen gegē
den Bunde zū Schwabē / als eyn gehorsamer Bundts
verwanter Fürst / aller billigkeyt erzeygt / Wie wir vns
durch Gottes verleihung / hynfüro aller vnuerwislig /
Keyt / vnd also zū halten gedencken / Das wir es gegen
Gott. Key. Mai. den Bunde zū Schwabē / alle onpar
theische Reichsstend / Vnd menigklichē erbars gemüts
wol verantworten mügen. Vnd damit wir vns solchs
verdachts erledigen / So hates / des Hochgebornē Für
sten / Herrn Johansen / Herzogen zū Sachsen / des hey
ligen Römischen Reichs Erzmarschalck vnd Chürfür
sten / Landtgrauen zū Thüringen vnd Margtgrauen
zū Weissen / vnseres freündtlichen lieben Dheymē / Sch
wagers vnd geuatters / vnd vnseres fürnemmens halben /
die gestalt.

¶ Wie wol gemeyne Stend des Reichs / auff letz
gehaltenem Reichs tag zū Speier sich des eynmütiglich
entschlossen haben / das wir vnns vnder eynander ver
mög des Keyserlichen Landtfridens / fridlich haltē / Key
ner dē andern vberziehe / Vnd das es eyn yede oberkeyt
in sachen / das Keyser / Wormbser Edict belangend / bis
auff gemeyn Christlich Concilium solt zū halten haben /
wie sie solchs gegen Gott / vnd Key. Mai. verhofften zū
verantworten.

¶ Das auch zūuerhütung / empörung im Reich
eyn Statliche borschaft zū Key. Mai. in Hispaniē ab
gefertigt

gefertigt werden solt/irer Maiestat der berürten Spei-
erischen handlung/vnd abscheydts zñ berichten/Wel-
che schickung/durch leichte vrsach verhindert wordē ist/
onzweiffel auß dem/das etliche Bischoff/Wünch/eyn
lange zeit her/yezt durch radtschleg/dañ durch dise vnd
andere/vilfaltige betagung vñd versamlung/sich be-
flissen/bis das zñletzt Gott der almechtig/den schwerer
fal vber sie verhengt/das siemit irer practicken etliche
grosse Fürsten zñ sich in Bündnus/wider das leben/
dig gnadenreich wort Gottes/vnd desselbigē anhen ger
bewegt/das sie sich mit inē in Bündnus begebē/zñsa-
men geschworē/vnd verbrieft haben/Wie menigklich
hiebei im truck erbarmlich zñ sehen findet.

Inach dem nñn von Gott vnserm Schöpffer als
leding nach seinem Göttlichen willen/sollen vnd müs-
sen fürgenommen vnd volbracht werden/alles zñ seinē
lob vnd preis in dem wir in alweg zñ seiner forcht/in ot-
mütiger bit stehn wöllen/So seindt wir on zweiffel auch
durch Gottes schickung/in erfarnung solcher Bündt-
nus kommen/Die dañ nicht alleyn wider Gott/die Na-
tur/Christliche liebe/Sundern auch wider des heyligen
Römischen Reichs Landtsriden/wider den Bundt zñ
Schwaben/gemeyne ordnung/wider alle Türnbergi-
sche/Augsburgische/vnd Speierischen des Reichs ge-
nommen Abscheydt/auch wider alle billigkēy/sunder-
lich so wir vnser wissens/niemandes darzñ vrsach ge-
ben haben/vnd vngern thñn wolten.

IWeil vns nñn Gott der almechtig vnsern landē
vñd leiten vorzñ sein/die zñ regieren bei Christlichen
A iij glau

glauben/ vnd rechter warheyt seins Göttlichen worts/
darin wir vnser seligkeyt alleyn haben / Vnd darvon
onerlant nicht abtringen lassen wollen / Sondern die
vnsern dabei schützen/ vnd souil möglich ist/ vnd Gott
beistandt gibt/ verthedingē/ vnd für verderblichen scha
den zū weren/ für gesetzt hat. Vnd wir dan mit den vn
sern in der fahre sitzen/ wann vnserer widerwertigē jr vor
teyl ersehen/ das sie bemelten vnsern Dheymē/ den Chür
fürsten von Sachssen/ vnd vns mit der stercksten vnd
grösten macht vberziehen. Also des backenschlags/ ver
iagung von Landen vnd leuten / täglichs gewarten
müssen.

I So achten wir eyn yeder frommer/ der verstand
hat/ vnd onpartheilichs redlichs gemüts ist/ werd in be
trachtung des/ das in natürlichen vnd beschriben Rech
ten/ Auch darumb dem Keyserlichen Landtfriden/ die
not vnd gegenwehr/ nit benommen ist/ leichtlich ermes
sen/ vnd nit vnbillichen können/ gegen eyn solch gesch
winde Bündnus vnd fürnemen/ vnser not vnd gegen
wehr/ in der zeit also für zunemen/ das wir den vnchrist
lichen/ vnrechten gewalt/ der vns vnuerhorter sach/ be
gegen sol/ auffhalten/ Vnd die vnsern bei gleich vnd re
cht schirmen mögen. Vnd gedencen in diser sach anders
nichts (des wir Gott zū bezeügē berüffen) zūsuchen/ dan
sein des HERRN ehre/ lob vnd preis/ Darmit sein
wort vnuertruckt/ vnd wir/ vnd vnserer vnderthanen
dabei fridlich bleiben mögen.

I Wollen de allen nach meniglich / von was wir
den vnd Standts eyn yeder ist/ durch Gottes vnd der
warheyt

warheyt willen / hohes fleiß gebetten haben / Ob vns zü
gemessen wolt werden / das wir anderer dan erzelter vrs
sach halben / in rüstung vnnnd zügerungener auffhal
tung des gewalts / Damit die vnsern fridts gesichert mö
chten werden / vnd vor jamer vnd leyde geüberigt wur
den / stehn soltē / solchs vns entschuldiget zü halten / Dan
wir keyn lusten oder willen haben auffrühr zü erwecken /
wolten vil lieber mit den vnsern in fridē / vnd Chrißlich
er eyngkeyt leben / vnd darüber vnser thuns vnd fürs
nemens / in öffentlicher verhör / wie sich zu vnserm gehors
sam gebürt / austrags gewarten. So vns aber nun der
frid vber vnser ansuchen vnd er bieten / nicht widerfahren
mag / so wöllen wir die sach zü Gott vnnnd vnser gegen
wehr stellen / vnd in frölichem anzugk vns vnnnd vnser
mit kriegsruerwandten / seiner almechtigkeyt zü gnaden
im sigt beuelhen.

I Wir wöllen auch meniglichen gebetten haben /
das dises vnser außschreiben / keyner andern gestalt / dan
auß diser tringenden hohen notturfft / das vns solcher
vnglimpff zü gemessen wil werden / Den selbigen damit
abzulenen / beschehen ist. Geben vnder vnserm hienor
auffgetruckten Secret / am Freitag nach Vocem Jo
cunditatis. Anno. M. D. XXviij.

Von



Vn Gotts gnaden wir

Ferdinand / König zu Böhmen / Römischer Keyserlicher Maiestatim heyligen Reich Statthalter / Erzhertzog zu Osterreich / Hertzog zu Burgundi vnd Wirtenbergk / Graff zu Tyrolc.

¶ Vnd wir Albrecht der heyligen Römischen Kirchen / des Tittels Sancti Petri ad Vincula Priester / Cardinal / Erzbischoff zu Meyntz vnd Magdenburg des heyligen Römischen Reichs Erzcantler in Germanien / Churfürst vnd Primas / Administrator des Stieffts Halberstatz.

¶ Vnd wir Joachim des heyligen Römischen Reichs Erzcamerer vnd Churfürst / beyde Margtgrauen zu Brandenburgk / zu Stettin / Pommern / der Cassuben / vnd Wenden Hertzogen / Burgtgrauen zu Thürnbergk / vnd Fürsten zu Rügen.

¶ Vnd wir Matheus der heyligen Römischen Kirchen Tituli S. Angeli Priester / Cardinal / Erzbischoff zu Salzburgk / Bapstlicher Heyligkhey vnd des Stüls zu Rom Legatus natus zc.

¶ Wir Wigand Bischoff zu Bamberg / Vnd Wir Conrat Bischoff zu Würzburg / vnd Hertzog zu Francken.

¶ Vnd von den selben gnaden wir Georg / Hertzog zu Sachsen / vnd Landtgraff in Thüringen / vnd Margtgraff zu Weissen.

¶ Wir Wilhelm vnd Ludwig gebrüder / Hertzogen in Obern vnd Nidern Beyern / Pfaltzgrauen bei Rhein / Bekennen / vnd thun kundt für vns hiemit in Krafft dis brieffs offentlich. Nach dem in disen geschwinde

schwinden widerwertigen leüfften / welche der Almech/
tig Gott / vber das menschlich geschlecht / von wegen der
sünd vnd misserhat verhengt / vil Gotts lesterung vnd
vnehrung / auch ergernuß des nechsten erwachsen / Also
das Gott nit alleyn in seinen Sacramenten / die er auff
erden vns zu besserung vnd sterck / vnser schwachen ge/
wissen eingesetzt / Sondern auch an seiner selbst Almacht
vnd Gotheit geschendt vnd geschmecht wirdt / in dem
das Kirchen vnd Klausen spoliert vnd zerstört / Gott
gegebne personen / auß seinem dienst verjagt / an vnehr
lich örter verstoßen / ire Kennt vnd Zins gewaltiglich
eingenommen / vnd sie der selben beraubt werden / Vnd
daß das aller erschrecklichst ist / das ampt der Heyligen
Messz wirdt nicht alleyn abgethon / sonder auch Abgöt
tisch vnd sündig geachtet. Wil vns als Christlicher
König / Chürfürsten / Erzbischoffen / Bischoffen / vnd
Fürsten / von wegē der gelübde vnd zusag / die wir Gott
vnserm Schöpffer gethon / Dem wir vns / als die Crea
tur irem Schöpffer / on alle mittel vndergeben / vnd vn
der sein heylig fuß setzen sollen. Des gleichen von we
gen der Eyd vnd pflicht / die wir zum theyl Bápfflicher
Heyligkēyt / vnd all Römischer Keyserlicher Maiestat
vnserm aller gnedigsten Herrn gethon / Welchen wir als
vnser Oberkēyt / vnderthenigen gehorsam leyßten sollen
vnd müssen / nichts anders gebören / dan solcher obbes
chubner Gots lesterung / so vil vnns / als den menschen
vermittelst Göttlicher hülf zu thun möglich zu begegnē /
die selbig ab zu wenden / vnd besserung zükeren / Des
gleichē die güten seligen Kirchoordnung vnd Ceremo
nien / welche von der heiligē Kirchen / die do ist eyn braut
Christi zu vnser besserung vnd seligkēyt erfunden vnd
B geordnet

geordent / vnd nun eyn zeitlang gar verstoffen / vnnnd
vndertrückt / widerumb erneüwert / vnnnd in den alter
standt gebracht werden / Auff das dem willen Gottes
gelebt (welcher on zweiffel wil sein braut erhalten haben)
vnnnd Keyserlicher Maiestat / vnnsers aller gnedigsten
Herrn / der selben außgangen Mandat / geschützt vnd
gehandthabt werd / Dornit wir solchs so vil desto statli
cher vnd füglicher thun mögen oder können / (Doch nit
anders / dan vermög Götlicher hilff) Haben wir obbe
schribne König / Churfürsten / Erzbischoff / Bischoff /
vnd Fürsten / vns volgender maß vertragen / vereynigt
mit Eyds leystung gelobt vnd zugesagt / auffin maß vnd
weiß / wie hernach volgt / zu gebaren.

I Vor das erst ist bedacht / Nach dem durch abster
ben des Hochgebornen Fürsten Herrn Ludwigs / weis
landt König zu Hungern vñ Böhemen / vnnsers freünd
lichen lieben Schwagers / Herrn / Freünds / vnnnd gne
digen Herrn / Das Königreich Hungern niemands
billicher / dann vns Ferdinand / König zu Böhemen /
Erzhertzogen zu Osterreich zc. von wegē vnnsers freünd
lichen lieben gemahels von Gott / natur / vnd allem rech
ten züsteht / Ist für güte angesehen / auch beredt vnd züge
sagt / das die nebc beschribne Churfürsten / Erzbischoff
Bischoff vnd Fürsten / vns eyn statlich hilff thun solle
vnnnd wollen / mit leiten oder gelt / Inhalt der Artickel /
welche derhalben gestellt / bewilligt / gelobt / versigelt / vñ
angnommen. Do durch wir obbestimpt Königreich / so
vil defter besser vñ füglicher erobern / Vnd den vermeyn
ten Grauen Johansen von Rüttschin / der vnsern vor
farn König Ludwigen bößlichen verraten / den Tür
cken

cken wider inen vnd das Christlich blüt erregt/Darauf
mit macht zwingen/vnnd vns gerizgklich darein setzen
mögen/vnd wan wir solchs nach dem willen Gots ge-
endet/vnser macht vnd auffnehmen dermaß/durch das
Königreich Hungern gemeret/Achten wir als dan güte
sein/die Ketzer vnnd Gots lesterer/in irem enthalt/bet
den Fürsten/Herrn/vnd Communen/da sie gehaußt/
geert/vnd geherbergt werden/zü sichen.Vnnd wöllen
als dan auff den ernstest beuelh/Den vns Key.Mai.vn-
ser aller gnedigster lieber Herr/Brüder/vnnd gnediger
Herr/auf Hispanien/züschicken wurde/Dem Churfür-
sten zü Sachssen gebieten/das er vns Martinum Lu-
ther/den Erzketzer sol vberreychen/sampt allen Ketz-
erischen Predigern/Pfaffen/aufgelauffen Mönchen/
Nonnen/vnd andern Geyslichen/die in ir habit/relis-
gion vnnd geyslich wesen verendert haben/Darneben
das er das Ampt der heyligen Messz/alle Ceremonien/
Vigilien/Seelmessz/wie dienamen haben mögen/vnd
vor alters herbracht worden sein.Des gleichen Kirchen/
Klöster/Klausen widerumb sol auffrichte/vn so er des
in mangel stehn würd/vnd Key.Mai.in dē nit wolt ges-
horsame leysten/alsdan wöllen wir Ferdinand König
zü Böhemen/Erzhertzog zü Osterreich zc.Wir Albrecht
Cardinal/Erzbischoff/Churfürst zc.genanten Chur-
fürsten zü Sachssen/mit vnser höchsten vnd starcksten
macht/lauts vnnd inhalt volgender Artickel/in seinen
Sachssischen/Weissenischen vnd Thüringischen landē
Vnnd wir Wigant vnnd Conrat zü Bamberg vnnd
Würzburg/Bischoff/genanten Churfürsten in seinen
Frenckischen landen/auch auff s starckst vnnd höchster
macht vberziehen/seine Schloß/Stät/Flecken/zü er-
Bij obern/

obern / inen der selbigen zu verjagen / vnd inen oder sei-
ne Kinder nimmermehr dreyen kömen zu lassen in fortan
zu ewigen zeiten. Vnd wann wir solchs geendet / nach
dem die von Magdenburgk der Heyligen Römischen
Kirchen Key. Mai. vnd dem Stieff zu Magdenburg
abtrinnig vnd trawlos worden / wöllen wir die selber
auch vberziehen / zu gehorsam der Kirchen / vnd zu vn-
derthenigkeyt zu bringen. Vnd auff das wir Georg Her-
zog zu Sachsen zc. nicht vermerckt wider die erbeynung
(darin doch Päpstliche Heyligkeyt vnd Key. Mai. mit
klaren wortē außgenömen) oder wider den Churfürsten
zu Sachsen zu handeln / Wie wol wir doch vom bemel-
ten Churfürsten gröblich darzu verursacht / Des auch
gützig vnd recht hetten. Nach dem aber das Landt zu
Merern / die Schlesy vnd Lausnitz / die Sechs Stett
samt vielen Fürsten / vnd andern darin verleibt / Wel-
che on alle mittel der Kron zu Böhemen zu gethon / von
gehorsam Christlicher Kirchen gefallen in der Martini-
schen Erzketzerei versuncken / dadurch die den Geystlich
en alle ire Rende vnd Zins genommen / vnd auch die
heyligē Messz / Klöster vnd Ceremonien abgethon. So
wöllen wir die selbigen mit vnser höchsten macht vber-
ziehen / vnd so vil vns möglich / zu gehorsam Christlich-
er Kirchen / vnd vnderthenigkeyt Königlicher Durch-
leichtigkeyt zu Böhemen zu bringen.

Vnd was wir Ferdinand König zu Böhemen /
Erzhertzog zu Osterreich zc. Wir Albrecht Cardinal Erz-
bischoff zc. Vnd wir Joachim beyde Margkgrauffen
zu Brandenburg / vnd Churfürsten zc. in den Sächssi-
schen / Weissenischen vnd Thüringischen landen gewir-
nen an

nen an Schlossen / Stetten / vnd Flecken / Dörffern / nüt-
zungen / vnd einkommen / welchs den Churfürsten zu
Sachsen zustendig / Das wollen wir alles vnd yeglichs
vnserm freündlichen liebe Fürsten Dheymen / Schwa-
ger vnd Schweher / Hertzog Georgen zu Sachsen /
samt allen regalien / wurden vnd digniteten vberant-
worten / zustellen vnd einraumen / aufferhalb der zwey-
er Fürstenthumb / Strocka vnd Bestaw / Welche vns
Joachim Margkgraffen zu Brandenburg / Churfür-
sten an vnsern Fürstenthümen gelegen / vnd von der
Kron zu Böhemen zu lehen rüren / Die sollen vns vnd
vnsern erben / für vnser kostung vnd darlegen bleiben.
Aber die Statt Magdenburg / nach den sie etwo für
alters dem Stieffe Magdenburg / on allemittel zu gehö-
ret / sol dem selbigen widerumb mit allen gerichtten / rech-
ten / nützungen vnd gerechtigkeitten / zu gestelt vnd vber-
antwort werden / Allyn Keyserlicher Maiestat vnd
dem heyligē Reich / sein gerechtigkeit an lehen / steuwer /
vnd volg vorbehalten. Was aber herwiderumb wir
Georg Hertzog zu Sachsen erobern / vnd gewinnen
werden / an den Fürstenthümen / Schlossen / Stetten /
Flecken / Renthen / Zinsen / vnd nützungen / in Merer
Schlesy vnd Lausniz / der Kronen Hungern oder Bō-
hemē zustendig / das wolle wir alles vnd yeglichs nichts
ausgescheydē vnserm freündlichen lieben Herrn Dhey-
men / vnd gnedigen Herrn Königlicher Durchleüchtig-
keit zu Böhemen vberantworten vnd zustellen. Was
aber wir Wigand vñ Conrad zu Baumberg vñ Wirtz-
burgk Bischoff etc. im land zu Francken an Schlossen /
Stetten / Dörffern / vnd allen nützungen den Churfür-
sten zu Sachsen zustendig gewinnē werden / das sollen

B iij wir

wir behalten. So aber vnser freünd Hertzog Georg zu
Sachsen/ den Koffen gegen vns/ oder den vnsern erlegē
vnd bezalen/ vnd dargegen die gewonnen Schloß/ vnd
Stett zu Francken wolt einnehmen / das sol seiner liebe
vorbehalte. Vnd wir sollen schuldig sein seiner liebe auff
den fall ab zü retten/ vnd einzüräumen.

Wahn solchs nach dem willen Gottes geendet/
das der obbestimpt Churfürst zu Sachsen seines vnger-
horsams gestrafft/ alsdā sol der Landtgraff von Hesse-
sen / nachdem er sich vber manigfaltige treuwlliche ver-
manung hat verführen lassen / vnd gleicher Ketzerei an-
gemast / vnd Bāpstliche Heyligkeyt / zu forderst Key-
serliche Maiestat mit vil schneworten beleydiget / auch
gleicherweiss von seinem irthumb abzüstehrn vermanet/
vnd ersücht werden. So er aber auff seinem fürnemen
beharren vnd sich mit dem gehorsam Christlicher Kirchen
widerumb nicht wil vergleichen/ sol er gleichermas/
wie oben von Churfürsten ist angezeygt/ gestrafft wer-
den. Doch seiner gemahel vnser freündelichen lieben wa-
sen mühmen dochter vnd freündin/ an irer liebden leib-
güt vnd vermechnus on schaden vnd mit dem anhang
so oft er sich der Landtgraff von seinem irthumb wen-
den/ vnd dem gehorsam Christlicher Kirchen/ widerum
würdt vndergeben / das im alsdā in ansehung seiner
iugent/ vnd das er von andern entzündt/ sein lande vñ
leüt/ widerumb on entgelt/ solten zü gestelt werden/ da-
mit vnser fürnemen / nicht daruo zangesehen/ als solten
wir das selb mehr vmb zeitlichs güts oder ehre/ dā vñ
der seelen heyl willen begonst haben. Wo aber der genāt
Landtgraff in seinem beginnen verharren/ vnd nit wi-
derke?

derkeren wolt/ vnd zu seinem vngheorsam todes abgehn
würdt/ Alsdan sol sein Fürstenthumb/ land vñ leüt Her-
zog Georgen zu Sachsen zustehn/ vñ vberantwort
werden. Doch das sein liebe/ den zweyen Bischoffen
Baumburg vñd Wirzburg irer lieben derhalben ge-
thonen Kosten/erstatte vnd erleg.

I Vñd sollen obbestimpte König/ Churfürsten/
ertzbischoff/ Bischoff/ vñ Fürsten/ alle auff eyner tag
wie der selb durch vns Ferdinandum König zu Böhe-
men eynem yeglichen drei Monath zūvor sol angezeygt
werden/ zūgleich angreifen/ vñd eyner on des andern
wissen vnd verwilligung nicht abziehen.

I Vñd sollen mit solchem zugt menigklichs verscho-
nen/ ausserehalb obbestimpter Churfürsten vñd Fürsten
vñd der selben helffer/ damit nichts dan wes alleyn ehr-
lich vñd Christlich ist/ an vns gespürt.

I Weiter ist für güe angesehen vñd bedacht/ not
zū sein/ das die andern Fürsten/ Grauen/ vñd Herrn
welche in disen vertrag nit gebracht/ durch vnderhand-
lung ersücht/ vñd souil möglich/ bewegen/ vñd eingeno-
men werden/ das etwo zu diesem vnserm ehrlichen vñd
Christlichen vornemē/ vns hilff vñd steuwer thun/ oder
aber auff's wenigst stillstehn/ vñd dem Churfürsten zu
Sachsen/ oder Landtgrauen zu Hessen/ keyn hilff noch
vorschub pflegen/ Vñd sollen die obbestimpte Bischoff
zu Francken den Margtgrauen doselbst/ auff schrift
vñd darchin/ beyder Churfürsten/ Meyntz vñd Bran-
denburg/ Des gleichen Graff Wilhelmen von Hennen-
bergt

bergt / zu ihrer hilff vermögeß / oder aber zu still stehn be-
wegen.

Gleicherweiß sol Hertzog Georg zu Sachsen der
massen mit beyden Hertzogen von Braunschweig / vnd
Hertzog Heynrichen von Meckelnburgk handeln / Doch
alles in geheym vnuermerckter sacht / Damit diser han-
del / ehedas er reiffet / nit lautpar werd. Es sol auch der
Churfürst zu Meyntz sein dapffere bottschofft / an den
Ertzbischoff vnd Churfürsten zu Cöln abfertigen / mit
seiner lieb auff gestelte instruction / handeln / vnd fleissig
anhalten lassen / In zuuersicht / dieweil diß vnser begin-
nen vnd vornemē / erstlich Gott zu lob / vnd fürther dem
Geystlichen standt zu wolffart angefangē / sein lieb werd
sich / als der Geystlich Prelat vnd Churfürst / aller gebür-
willig bezeygen. Derhalben sol sich sein lieb / bei den Nie-
derlendischen Graffen / dem von Nassaw vnnnd andern
auch befleissigen / vnd was sein lieb in antwort erlangt /
das sol sie vns Ferdinando König zu Böhemen / Ertz-
hertzog zu Osterreich / auffß fürderlichst anzeygen.

Damit aber dises vnser fürnemen von vilen den
vnser gemüt vnnnd meynung nicht bewüß für auffrü-
risch / oder dem Keyserlichen Landtfriden zugegen nicht
angesehen. Wöllē wir bald im anfang / so wir alle gleich
zu feld ziehen / eyn gemeyn außschreibē durch das gantz
Römisch Reich / sampteynem abtruck des Keyserliche
Mandats / außgehn vnd offentlich anschlagen lassen /
Darauß yederman sich des grundts vnser beginnens
hab zu erlernen. Vnd wir von den geystlichen vnd Chri-
stenlichen frommen getreüwen hertzen / die Gott noch in
der

der samlung seiner heyligen Kirchen erhalten/so vil mer
günnens vnd beifals/ vnnnd von Gott vnserem erlöser/
Sigk vnd Triumph wider seine widerwertigen/ in sei/
nem namen erlangen mögen. Des zü stedter vhester
vnzerbrochner haltung/ haben wir obbeschribene Kö/
nig/ Churfürsten/ Erzbischöff/ Bischoff/ vnd Fürsten/
yeglicher/ so vil der personlich vorhanden/ eynen leiblich
en Eydt gethon/ Die obbeschribene punct alle vnnnd ye/
gliche/ hie vnnnd im Artickels brieff verleibt/ stedt/ vhest/
vnnnd vnuerbrüchlich zü halten/ Welche aber personlich
nicht vorhandē/ der selbigen volmechtige vnd geschickte
Botschafft haben auff iren/ derhalben außgetruckten
beuelhe/ den sie vns vorgetragen vnd vberantwort ha/
ben/ eyner Eydt in die Seel ihrer Herrn geschworen.
Nemlich vnd also.

Wir Ferdinandus König zü Böhemen/ Röm/
scher Keyserlicher Maiestat im Heyligen Reich Stat/
halter/ Erzherzog zü Osterreich zc. Wir Joachim
Margtgraff zu Brandenburg/ Churfürst zc. Wir
Georg Herzog zü Sachsen zc. Haben eynen leiblichen
Eydt geschworen/ vnd vnser Ingesiegel an disen brieff
gehangen. Vnnnd wir andere vnser gnedigsten vnd
gnedige Herrn von Meyntz/ Salzburg/ Baumburg
vnnnd Beyern geschickte vnnnd verordente Rädte/ haben
auff vnser Mandat vnd beuelhs brieff/ die wir vō hoch
gedachten vnsern gnedigsten vnd gnedigē Herrn haben
hiemit Königlich Durchleüchtigkeyt zü Böhemen/
dem Churfürsten zu Brandenburg/ vnd Herzog Ge/
orgen zu Sachsen/ vnsern aller gnedigsten vnd gnedi/
gen Herrn vberantwort/ in die Seel vnserer Herrn vnd
macht geben/ das jr Churfürlich vnnnd Fürstlich gnad

C all

alle obbeschribne Artickel sampt dem ihenigen / so im Ar-
tickle brieff verleibt / stede / vhest / vnnnd vnuerbrüchlich
halten sollen vnd wöllen / eynē leiblichen Eydt geschwo-
ren / Vnnnd disen brieff in acht form / eyns lauts gestalt /
vnnnd yeglichem theyl eyner vberantwort / mit vnser ey-
gen handt vnd handzeychen vnderschriben. Gesche-
hen zu Gottes Ehre zu Briesla / Mitwochs nach Jubi-
late / Im Fünffzehenhundertten / vnd darnach im Sieb-
ten vnd zweyntzigsten Jar.

**Artickel durch obbeschribne könig-
liche durchleüchtigkeyt zu Behemē / Churfürsten
Erzbischoff / Bischoff / vnd Fürsten / ge-
williger / vereydet / gelobt / vnd
zugesagt.**

Auff den zugk gegen Hungern.

¶ Der Erzbischoff zu Meyntz / Churfürst etc. wil
Königlicher Durchleüchtigkeyt zu wolfart des zugks
geben / zehen tausent gulden.

¶ Der Churfürst zu Brandenburg / Margkgraff
Joachim will zwey hundert pferdt schicken drei Mo-
nat lang.

¶ Der Erzbischoff zu Salzburg acht Tausent
gulden.

¶ Der Bischoff von Würzburg vnd Baumburg
wöllen geben yeglicher acht tausent gulden.

¶ Herzog Georg zu Sachsen hundert pferd / sechs
Monat lang.

Der

Die Herzogen zu Beyerñ wöllen Königlicher Durchleüchtigkeyt halten tausent knecht/sechs Monat oder so vil gelts geben / Nemlich auff eynen man eynen Monat vier gulden.

Auff den zugk wider Churfürsten vnd Fürsten.

Königliche Durchleüchtigkeyt zu Behemen wil ziehen in eygner person, vnd haben acht tausent man zu fuß/vnd fünffzehen hundert zu pferd.

Die beyd Churfürsten/ Meynz vnd Brandenburg / wöllen haben sechs tausent man zu fuß/ eyn tausent pferd/ Der Churfürst zu Brandenburg wil in eygner person ziehen.

Der Bischoff von Würzburg wil in eygner person ziehen/ als eyn Herzog zu Francken/ vnd haben sampt dem Bischoff von Baumburg vier tausent zu fuß vnd acht hundert pferd.

Der Erzbischoff zu Salzburg/ vnd die Herzogen zu Beyerñ/ wöllen dem Bischoff zu Würzburg zuschicken vier tausent knecht/ oder so sie dienit haben können/ so vil Schweitzer.

Herzog Georg zu Sachsen wil so velleüt nemē das er seinen feinden starck genug set.

Vnd sol eyn yezlicher Fürst sich mit der attalerei rüsten zu feld vnd sturm auffß best/ darin niemāds maß zusetzen.

Es ist für gut angesehen/ auch geredt/ gelobt/ vñ
C ij zugesagt

zugelagt/das die obbeschribne Bundesfürsten/ andere
Fürsten/ Grauen vnd Herrn/ Nemlich den Margk/
graffen zu Francken/ Graue Wilhelm von Nennen/
berg/den Abt vō Fulda/ auch andere Bischoff/ auff ire
ban ziehen/ oder zu stillsizen bewegen sollen/ Sonderlich
die Niderlendischen Grauen/ welche eynē grossen Bunt
haben/ Vnd dem Landtgraffen on das entgegen sein
von wegen des von Nassaw.

Item/das man die Reichs Stet alle gleich (aus/
serhalb Wagdenburg) mit schrifftten/ Worten/ vnd mit
der that verschon/ vnd keyns wegs sie oder ire einwoher
beleydige/bis so lang obbestimpte zwē Fürsten gestrafft
damit sie nicht verursacht/ den selbigen beifal zugeben.
Wan aber die Fürsten ire straff empfangen/ Kan man
die Reichs Stett wol gehorsam machen/ on eynigē heer/
zugk/ mit niderlegung der strassen/ annemung der gü/
ter/ vnd das Keyserliche Maiestat repressalia vber sie
decernirt/ vnd mit andern vil wegen/ die noch nicht not
zu beratschlagen.

Wis

Herr Albrecht Von Gottes gnaden der
heiligen Römischen Kir
chen des tittelis sancti Petri ad vincula/ Priester/ Cardi
nal/ des heiligen Stils zu Meyntz/ vnnnd des Stieffts
Magdenburg Erzbischoff/ Churfürst/ des Heyligen
Römischē Reichs durch Germanien Erzcantler/ vnd
Primas/ Administrator zu Halberstat/ Marggraff zu
Brandenburg/ zu Stettin/ Pomern der Casuben/ vnd
Wende/ Herzog/ Burggrau zu Nürnberg vn̄ Fürst
zu Rügen. Entbieten allermeniglich/ vnd einem ygli
chen/ wes wir den/ stants oder wesens der ist. Unser freu
ündlich dienst/ grüß/ gnade vnd alles güte. Damit frei
ündlich/ gülich/ vnd gnediglich bittend/ vnd begerend/
ein yeder wolle dieß nachuolgendt/ vnser entschuldigug
vnd verantwortung/ die wir auß vnserer hohen nottu
efft/ vnd keiner anderer meynung/ dauon wir vns/ hiem
it bezeügen/ zuthun höchlich verursacht/ one verdriess/ le
sen/ hören/ vnd vernemē/ vnd derselben ones zweifflichen
glauben züstellen.

Vnd nemlich also. Wiewol gütezeit here/ ein offentlich
gemein Landgerücht gewest/ Vnnnd wir vielfaltiglich
durch Treffenliche/ hohe vnd nider standts persone/ fre
ündlich vnd trewlich gewarnt. Wieder hochgeborn Für
st/ her Philips/ Lädgraff zu Hessen ic. vns vnd vnserer
Erzstieff/ vnnnd Stieff/ gewaltiglich zü vberziehen/ in
dapfferer/ ernstlicher rüstung/ vnnnd gewerbe steen soll. ic
Dem wir aber yederzeyt/ in betrachtung/ vieler hocher
vnd bestendiger vrsachen/ keinen glauben geben. Vnd
fürnemlich denen. Zum ersten/ das wir aller irrung vn̄
gebrechen halber/ zwischen vnns beiden schwebend/ vor

Dem Erwürdigsten/ in got vatter/ herrn Reichartē Erzbischoffen zu Trier/ Churfürnffen. ꝛc vnsern lieben freündt/ in güelicher handlung steen. Zum andern/ das wir in der Eynung des loblichen Bündts zu Schwabē/ ein ander zügerhan/ vnd verpflicht sein/ Welche/ sonder form/ vnd maß gybt/ so einer zu dem andern spruch vnd forderung hett/ wie er dasselbig suchen soll. Zum dritten/ das vns Landtgraff Philips/ mit dapperer/ ansehenlicher/ lehenschafft verwandt. Vnd zum vierden/ in ansehung/ des gemeinen öffentlichen/ verkünnten/ Keyserliche Landfriedens/ Auch des zu Speyer/ einmütiglichē genömen Abschiedts/ Welche wir zu allē teilen gewilliget auffgericht/ verbrieft/ versiegelt/ vnd vns zu halten/ verpflicht haben. Also/ das wir/ bey vns nit habē konden oder mögen/ bedencken oder entsynnen Auß was vrsachen/ oder fügen/ obgemelter vnser Dheym/ Landtgraff Philips/ vnns/ oder vnserē Erbstiefft vnd Stiefft/ her konden oder mögen vberziehen.

Vber das/ vñnd damit vnsernthalb/ yhe nichts mangels gespürt/ das zu Friede/ vnd eynigkeit/ Auch verhütung/ entborung/ im heiligen Reich/ Vnd zu fürkömig Chrißtlichs blütuergiessens/ dienē mocht/ haben wir auff das gemein gerücht/ vnd vñhilfältig glaublich warnung/ So vns/ yhe lenger/ yhe schwerlicher angelangt/ vnserē Botschafft/ zu vnserm Dheymē Landtgraff Philipsen mit Credentz/ vñnd instruction/ geschickt/ vñd freündlicher suchen vñd bitten lassen/ vns zu verstendigen/ Wes wir vns auff solliche sein rüstung/ vñnd gemein Landtgerücht/ vñd trefenliche warnung/ zu jme versehē soltē. ꝛc Vñnsern gesandten/ hat aber/ vber jr hefftig anhalten/

Fein

Kein lautter antwort/ widerfaren mogē/ darab sicherūg
des vberzugts/hett kondē gespürt werdē. Vhil weniger
ist des vnfriedens/einich vrsach angezeigt. Vnd sein wie
also/ furo vnd furo/in zweifel gestandē/ vnd nit gewist
wes wir vns/zū vnserm Dheymē/dem Lātgraffen/ ver
sehen solten. Bis auff Sambstag/den drey vnd zweintzi
gsten tag des Monats Maij/diſ yzlauffende njars/ist
vns/von den Wolgebornē/Wirdigē/Strengē/Vestē/
Hochgelertē vnd ersamē/Römischer Keyserlicher Ma
iestat Ampes verwalten/vn Ketten/des Keyserlichen
Regiments yzo zū Speyer/ein schrift/ vnd daneben
ein Copey/einer vermeinten Bündnüß/So der Durch
leüchtig/Hochgeborn Fürst Herr Ferdinād/König zū
Hungern vnd Beheim ꝛc. Kaiserlicher Maiestat Stat
halter im heiligen Reich ꝛc. vnser lieber herr vnd Dheym
sampt etlichen Churfürsten vnd Fürsten/Geystliche vn
weltlichen/solten eingangen/vnd sich verpflicht haben.
Die hochgebornen Fürsten/herrn Mansu/hertzogen zū
Sachsen Churfürsten ꝛc. Vnd herrn Philipsen Landes
grauen zū Hessen/ob gemelt ꝛc. zū vberziehen/ zū vergew
altigen/zū uerjagen/vn zū verreiben. Dabenebē ist vns
zū komen/ein öffentlich außschreibē/vnder des obgemel
ten Landtgraff Philipsen namen vnd titell/im druck
auß gangen/darin mit lautern Worten/angezeigt wirt/
Das obgemelte vermeinte Bündnüß die vrsach sein solt
irer der beider Churfürsten vn Fürsten/gewerbe/rüstūg
vnd fürhabens.

Diweil wir dan/in der Copey/der vermeinten Bünde
nüß/Auch namhaftig specificirt vnd genant sein/Vnd
das Keyserlich Regiment/in obgemeltem vns zūgefüg/
ten

tem schreiben / anzeigt / das die obberürt vermeint Bunden
nüß / die vrsach sey / der rüstung vnd gewerbs / darin
beide Fürsten / Sachsen vnd Hessen / steen. So will vns
ser hochenotturfft erfodern (damit meniglich öffentlich
dar vnd lautter / ab nemē möge / Das vns solcher bezigt
der vermeintē Bundenüß / gantz zu vnschuldē / aufgelegt
vnd zugemessen wüder / Das auch die beyde Churfürste
vnd Fürsten / solicher vrsachen einichs vberzugts / gegen
vns / gar kein grundt oder fug haben) vnser entschuldigung
zū thun.

Vnd sagen darauff / in waren trewen vnd glauben / bei
vnsern Churfürstlichen Ehren vnd wüder / das vns sol
lich Bundenüß zū hören / frembde vnd seltsam / vnd wir
derselben / gar kein wissen tragen. Haben auch mit nyem
mants / hohen oder nidernstandts / deshalb yhe eynich
rede oder handlung gehabt noch yemants dauon einich
beuelch gethan / Briefflich / oder mündlich / Auch nyem
ants an dem ort / da dan obgenante vermeynte Bunde
nüß / vffgericht sein solte / gehabt / oder geordnet / Seindt
auch deshalb von niemants zū vor / oder hernach yhe be
redt / oder angesucht wordē. Zū dem sich nit erfindet / das
die selbig vermeint Bundenüß / mit vnserm Siegel / ver
siegelt / oder der ihene / so deshalb von vns / wie die Copey
anzeigt / beuelch gehabt haben solt / darin bestympt oder
benent sei. Ober das keyner in leben mit warheit sagen
darff / das yemants von vns / deshalb / ye einichen beuelch
gehabt. Vnd des zū vnserer merer warhafftigen entsch
uldigung / ziehen wir vns auff vnsern Freündt den Erz
bischoff zū Cöln Churfürsten ic. den von Nassaw / auch
die Niederlendischen Graue / mit den wir / wie die Copey
der

der vermeinten Bündniß/anzeigt/zur hilff oder stillstac
handeln solten/Das von vns/deshalb an sie gar nichts
weder schriftlich/müntlich oder sunst/in einich weiß/ge
langt. Also/das wir vns derselbigen bezieht/der vermein
ten auffgerichten angezogen Bündniß/danon sie die
ursach ihres Kriegs schöpfen/gantz frey vñ sicher wissen
konden vnd mögen darüb mit bestendiger warheit sa
gen vnd offentlich ausschreibē/Das vns sollicher bezieht
der Bündniß/zü vnschulden zügemessen wirdet. Dan
wir yhesollichs in vnsern sinne oder gemüte/nyegenom
men oder gedacht/wir geschweigen der gehalten.

Vnd weren yhe der vertrewlichen züuersicht gewest/au
ch genzlich darfür gehabt. Wo sollicher vermeinten Bu
ndniß halber/oder etwas dergleichen/an die beide Ch
urfürsten/vnd Fürsten/Sachsen vñnd Hessen/gegen
vns gelangt. Sie solten/in bedrachtung der fründtsch/
afft Siepschafft/Bundes/vnd leben verwädniß/dar
in sie mit vns steen vñ zügethan/dem nit also gleich vnd
leichtlich glauben geben. Sollichs zü ernstem gemüte ges
fast/hinder sich dermaß behalten vnd gehelet/Sich dar
auff in rüstung geschickt/vnd vns fürther mit bereiteter
verhafftiger vnd gerüster handt/anzeigen lassen haben
Sonder vns/zü vorfründlicher meynüg/wie jnen woll
angestanden/ersucht/vnd sich des waren grundtes erk
undet haben/Oder yhezü wenigste/als wir den Land
grauen/durch vnserer Reche/wie obgemelt/beschickt vnd
jnen nit lautter antwort/des friedens begegnet/vnd die
selben vnserer Reche/sich aller ansprüch vñnd forderung
halber/so er der Landgrauen zü vns zü haben vermeint
auff Römisch Keyserlich Maiestat/vnsern allergnedig

D sten

sten hern̄c. Konigliche wirde zu Hungern vnd Beheymen̄c. irer Maiestat Statheltern Regiment/Chamer/gericht/ Alle Churfürste/ Fürsten vnd Stende des Reichs/ den lobliche Bund zu Schwaben vñ Burgtman oder Bawmeister der Burgt Friedeburg/ rechts erpoten. Sie solten vnns von sollicher vrsach ires fürhaben den vberzugts/ anzeige vnd bericht gethan oder yhe zum wenigsten/ das vberflüssig rechtgebot angenommen haben. Darauß wolten wir inen/ also mit Fürstlicher/ fründlicher/ vnd gülicher antwort begegert sein (wo inen anders der friedt geliebet/ vñ zu handhabung des Ländfriedens/ auch kein auffrur im Reich/ zuerwecken geneigt) Das inen solcher rüstung vnd gewerbe/ vnsernthalb gang von vnnoctē gewest sein solt. Darumb in berürtis Landtgraff Philipsen/ im druck außgangen schreiben/ vnpillicher weis (wie meniglich zuermessen) also hochlich angezogen. Vnd zu einer vrsach irer rüstung gemelt wirt das inen der friedt/ vber jr ersuchen vñnd erbiten/ nicht widderfaren moge.

Als aber obgemelte vnser fründlich ersuchē vnd recht erpieten/ Auch eynung vnd verwandnüss/ vnd alles/ wie oberzelt/ nit hat stat haben oder helfen mögen/ vñnd sich der Landtgraff/ yhe lenger/ yhemher in rüstung/ zu Ross vñ fuß/ geschickt/ das gemeyn gerichte yhe embßiger außgeschollen/ vñ wir etwas ernstlich eins schwindē vberzugts von hohen/ mitteln vñ nidern stendē/ Zum fründlichsten/ treulichstē/ vnd ernstlichsten/ gewarnt sein Des auch ein starck vermütung vñnd glauben von dem entpfangē/ Das vns sollich gewerbe/ zu fuß/ vmb drey tausent starck/ zu nehest an vnser Landt/ das Ringgawe/gelegt/

legt/ vnd daselbst vmb/ gemüßert worden.

So seindt wir zu letzt/ dahin hochlich geursacht vnd ges
nottrengt/ vns zu vnser/ vnserer Stiefft vñ vndertha
nen/ auffenthalt/ schütz/ schyrm vnd vertheidigung/ nie
mit geringem costen vñ beschwerung/ vnser vnd vnserer
armen vnderthanen/ in gegen rüstung züschieken vñnd
züstellen. Nit des willens oder gemüts/ yemants/ wid
der gemein Recht/ den Keyserlichen Landfriede vñnd
genömen abschiedt zu Speyer zu vberziehen/ zübeleidigē
oder zübeschedigē. Sonder wie obgemelt/ für vnvillich/
em gewalt/ vff züenthalten Dañ wir gedencken vns/ als
ein Churfürst des heyligen Keychs/ gegen Keyserlicher
Maiestat/ vnserm Allergnedigstē hern/ derselben auffge
richtē Landfriede/ Reichs ordenungen vnd abschieden
Auch den Bundes eynungen gehorsamlich/ gemess vnd
aller villichkeit zühalten/ Wie wir auch denselbē/ in aller
gepürlicher gehorsam/ als vns mit warheyt anders nit
auffgelegt mag werdē/ bisanher in allen stückē/ puncten
vnd articeln/ alles vnser vermögens/ gelebt vñnd ge
volgt haben.

Es ist auch/ vnser gemüte/ wil vnd meinung/ nye gewest
vnd noch nit/ das Götlich wort/ vñnd was zu der Ehre
vnd Lobe Gottes Almechtigen/ auch zü fürderung der
liebe des nehsten/ in einichen weg dienen mag/ züuerdru
cken oder/ züuerhindern/ wie wir auch dem nyhe züwid
der/ wie vns/ zü gantzer vnshult villeicht auffgelegt wil
werden/ gewest/ Sonder vnser/ als ein Christlichē Ch
urfürsten/ hochstesyn vñ gedencken/ alzeit dahingerichte
vñnd geneigt sein/ dasselbig/ so weit sich vnser vernunfft

D ij vnd

vnd vermögen streckt/zü pflantzen/zü mehren/vñ zü für
dern. Wo es auch darzū komet/das ordenung vñ refor/
mation in Christlicher Religion fürgenomen daran vn/
sernthalb nit hie mangel gewesen/ Auch noch nit sein soll.
Wöllen wir vns in solliche dermass erzeigē/beweisen vñ
halten/das ab den wercken/vnser gerecht gemüt/will vñ
wolmeynung gespürt/vnd befunden werden soll. Wir
weniger/stect vnser neygung/fleiss vnd begirde/ Friede
vñnd einigkeit im heiligen Reich/so vil vns müglich/zü
erhalten/vnd den gemeinen nütz/gantzer teütscher Nati
on/zü güte vñnd wol fart/zü fürdern/ Wie wir dann des
als ein glied des Reichs schuldig/auch bis anher/in alle
vnsern handlungen vnd wandlungen/gerhan vnd ver/
hoffentlich/von meniglich nit anders vermerckt worden
sein. Wöllen auch solliche hynsfürther/so weyt sich vnser
vermögē/leybs vñ güts erstreckt/trevolich handeln vnd
thun.

Dem allem nach. Thun wir einen yeden/wie obgemelt/
vffs freüntlichst/gülichst vnd gnedigs bittē/erinnern
vnd begern/Dies vnser ausschreiben/Zü fürderst/vnser
er grossen hohen notturfft/vnd keiner anderer gestalt
oder meynung züermessen/Darzū vnserer notturfftiger
entschuldigung/wie sich die in der warheit/erhelt/genz/
lichen glauben zügeben. Das wir vns auch/allein zur ge
gegenwehre vnd vffenthalt/in rustung geschickt/nit ge/
müts yemants zü verziehen/Sonder dem Keyserliche
Landtsfryden vnd des Reichs Abschiedt zü Speyer ge/
mess zü halten. Vnd wollen vns damit nochmals/aller
Ansprüch vnd forderung halber/so obgemelte beide Ch/
urfürsten vñnd Fürsten Sachsen vnd Hessen/zü vns
oder

oder vnsern Erztziefft/ Stiefften vnd vnderthanen/ zu
haben vermeint/ Es betreffe obgemelte vermeinte Bunt
nuß/ so vns vnschuldlich zügemessen/ oder was es wol
vff Romisch Keyserlich Maiestat/ vnsern Aller gnedig
sten hernn/ Königliche wirde zü Hungern vñ Beheymē
irer Maiestat Statthalter im heiligen Reich/ vñnd das
Keyserlich Regiment Camergerichte/ Auch alle vnparth
eysche Churfürsten/ Fürsten/ geistliche vnd weltliche pre
laten/ Grauen/ Ritter/ Darzū den loblichen Bunt zü
Schwaben/ Die frey vnd Reichstett/ vnd sunst alle vn
parthaysche Erbarkeit/ gepürlichs rechten/ vnd aller pil
licheit erbotten/ Vñnd darumb einē yeden/ was werden
oder standes der ist/ zü legst auffß hochst vnd frünlichst
gebetten vnd ermanthaben. Sich vber dies vnser war
hafftig entschuldigung vnd vberflüssig recht erbieten/ zü
thatlicher handlung oder angrieff gegen vnns / vnseren
Stiefften vnd vnderthanen/ zü einichem rathe oder hilff
durch niemants bewegē zulassen/ Des wollen wir vns
aller Erbarkeit vnd pillichkeit nach/ zü einem yeden getrö
sten vnd versehen/ Vñnd das widderumb frünlich/ güc
lich vnd gnediglich verdienen/ vergleichen beschuldē vnd
in gnaden züerkennen vnvergessen sein. Des zü
vrhunde haben wir vnser Secret an diesen brieff thun
drucken. Der geben ist zü sant Martins Burg in vnser
Stat Wetz den Sieben vnd zwentzigsten tag Maij.
Anno dñi. Milleesimo quingētesimo vicesimo octauo.

